

# Табасарандин СЭС



Табасаран райондин  
жямьяьтлугъдинна - политикайин газат



Голос  
Табасарана

№ 33 (1127) Жвуми, 11-пи август, 2023-пи йис (2001-пи йисан 5-пи майдианмина удубч1вур)

**Табрик аплбар**

## Варидюньяйин жигъиларин Йигъахъди!

12-пи августди гъарисан Варидюньяйин жигъиларин Йигъахъди кьайд аплура. Думу йигъ Варидюньяйин жигъиларин йигъ вуди 1999-пи йисан ООН-ди мялум гъаплну. Думу йигъ тьайин аплбан метлеб дюньяйин гизаф уьлкйириь жигъиларин гьал писуб вуйиб ва дурарин месэлийриз фикир артухъди тувуб вуйи. Ихъ уьлкейиь, гьадму гьисабнаан ихъ райондиьра, жигъилариз, дурарин месэлийриз хайлин фикир тувра, гьаз гъапиш жигъилар закурин ихъ гележег ву. Думутланна савайи, гьи гизаф ихъ жигъилари, СВО-йиь иштирак шули, Ватандин важиблу месэлийр тамам аплура. Вари ихъ жигъилариз, Варидюньяйин жигъиларин Йигъахъди табрик аплури, сагъвал, хьуркьувалар, хъа СВО-йиь айидариз, вахнииинди гъалибвал гьадабгъну, сагъ-саламатди кьяляхъ гьуб ккун аплураза.

«Табасаран район»  
МР-ин Глава  
М.С. КЪУРБАНОВ.

\*\*\*

## Физкультурникдин Йигъахъди!

Ихъ уьлкейиь гъарисан августдин кьюдпи султ йигъан физкультурникдин Йигъахъди кьайд аплура.

Спортдин артмиш вализ гьам республикайиь, гьамсана районариь ахю фикир тувра. Ихъ райондиьра спорт яркьуди тарабгъура. Райцентриь стадион ва Кьалухъ Мирзайин ччурнахъ хъайи спорткомплекс, хайлин гьуларийь спортдин майднар гъаракатнаъ а. Ихъ райондин спортсменари гьам республикайин, гьамсана Урусатдин ва дюньяйин талитарийь ужудар натижийр улупура. Йислан-йисаз гьуларийь спортдин цлийи майднар ачмиш аплура, жигъиларин, живанарин арайиь спортдин жюрбежур турнирар клули гъахура. Аьхиримжи йисари Кьалухъ Мирзайин ччурнахъ хъайи спортдин комплексдиь, «Ургур чвуччунна сар чуччун» гъалайиин халкьарин арайиь вуйи ахю эгъемиятдин серенжемар клули гъухну.

Физкультурникдин Йигъахъди райондин вари спортсменар, физкультурайин мялимар, тренерар ва активный уьмрин терефкрар табрик аплураза!

«Табасаран район»  
МР-ин Глава  
М.С. КЪУРБАНОВ.

## Ватанагълийирин Варидюньяйин III форум



Табасаран райондин Глава Мягъямед Къурбанов 7-пи августди

ватанагълийирин Варидюньяйин III форумдиь иштирак гъахъну. Мялум вуйиганси, думу форум улихъна йигъари Мягъягъгала шагъриь «Урусат – йиз тарих» тарихи паркдиь клули гъубшну.

«Салам, Урусат: ватанагълийирин сабвал – дюньяйиь дурумлувалин бина» форумди ихъ республикайиан вуйи жара уьлкйириь яшамаш шулайи, гьадму гьисабнаан табасарандиан удуч1вну гъушу, вакилар уч гъаплнийи. Тарихи паркдин майданин ихъ райондиь гъасил аплурайи шейьэрра улупну.

Серенжемин иштиракчийр Урусатдин Президент Владимир Путинди, Дагъустандин Глава Сергей Меликовди ва РФ-йин Президентдин Администрацияйин руководителин заместитель Мягъямедсалам Мягъямедовди табрик гъаплну.

Хусуси мялумат.

## Инвесторар пай кивуз гъазур ву

Улихънаси республикайин Гьюкуматдин Председатель Абдулмуслим Абдулмуслимовди республикайин телевидениейин каналариз интервью тувнийи. Душваъ дугъу инвестициярин, АПК-йин, туризмийн месэлийр жаради кьайд гъаплнийи.

«Узу республикайин Гьюкуматдин Председателин думу интервьюихъ дикъатнаан хьпехъунза, - гъибк1ну чан Telegram- аккаунтдиь Табасаран райондин глава Мягъямед Къурбановди. – Табасаран райондиз думу месэлийр лап багахъдар ву. Аьхи-

римжи йисари райондиз туристар гъуб лап гизаф гъабхъну. Гъаддиз ва инвестпроектариз асас, муниципалитетдиь инфраструктура активвалиинди ужу алаплура.

Фикир тувай, асас капитализ вуйи инвестицияр, вари булагъариан гъюрайи пул гьисабназ гъадабгъиш, райондиь 2019-2022-пи йисари саб миллиардна 204 миллион манат гъабхъну.

«2019-пи йисланмина райондиь хъуб милли ва 7 региондин проект клулиз адагъура. Дурариз асас, 2019-

– 2023-пи йисари Табасаран райондиь 39 мектеб, 7 бицлидарин багъ дибдиан рас гъаплну, гьаму вахтна Гувлигъарин кьялан мектебдин дарамат дибдиан рас аплура ва хъуб мектебсана рас аплуб планламиш даплна, гъулай ва хушлу шараитар яратмиш аплбаан 14 проект клулиз адагъну, 90 км рьякъярин асфальт улубзну, 100 километрлан зина гьуларин арайиь ва гьуларин айт1 вуйи рьякъяр рас гъаплну.

РИП-дин рамкйириьди 2023-2025- (Аьхир 2-пи машнаъ.)

## ТКО-йин месэлийр гьал гъаплну

Улихъна йигъари Табасаран райондин глава Мягъямед Къурбанов Дагъустан Республикайин Гьюкуматдин Председатель Абдулмуслим Абдулмуслимовдин регъберваликкди клули гъубшу совещаниейиь иштирак гъахъну. Совещаниейиь республикайин Кьибла зонайиь коммуналин яшайишдин ижми отходарин месэлийр гьал гъаплну. Мялум вуйиганси, гьаму вахтна республикайин Кьибла зонайиь зирзибил сортировка аплбан комплекс ва зирзибил уч аплуз полигон тикмиш аплура.

Республикайин премьерин совещаниейиь кьайд гъаплнуки, думу терефнаан багахъ вуйи кьюд йисаз зирзибил уч аплбан, думу тартиб аплбан ва дивбан ляхнарин механизм яратмиш даплну ккудук1бан месэла дийибгъна. Абдулмуслим

Абдулмуслимовди давам гъаплнуки, 2023-2024-пи йисари Дагъустандиь Хасавюрт, Къумторкъала ва Дербент районариь ТКО ерлешмиш, думу сортировка аплуз шубуб комплекс дивбанди ву.

Гьаму йисан ТКО ерлешмиш аплуз цлийи, гъийин деврин полигондин тикилиш Дербент райондиь ккебгъна. Думу карханайиз Республикайин 20 муниципалин райондиан зирзибил хибди. Дидин кьувват сад йисан 200 000 тонн зирзибил сортировка аплуб ву. Думу тикилиш 2024-пи йисан аьхириз ккудук1уб планламиш даплна.

Совещаниейиь РД-йин Гьюкуматдин Председатели гъацира ТКО-йин гьуллугъариз пул тувбан низам ужу алаплбан ва зирзибил уч аплбан, гъабхбан, утилизация аплбан ляхнар тешкил аплруган арайиз гъюру жара

месэлийриз ахю фикир тувну.

Совещаниейиь удуч1вну улхури, Мягъямед Къурбановди мялум гъаплнуки, Табасаран райондин гьуларин поселенийрин улихъ зирзибил гъабхбан пул тувуб тьамин аплбан месэла дивна. «Мушваъ сат1иди вуйи кьувватар лазим ву. Эгер регоператори чан вазифийр вахтнииинди тамам аплури гъахъиш, агъалийирира вахтнииинди пул тувиди. Региондин операторин агъалийирихъди йикъар йит1ну адрувалира агъалийирин гизаф суалар арайиз хура», - гъаплну Мягъямед Къурбановди, гъацира дугъу РД-йин Гьюкуматдикан регоператориз лазим вуйи техника масу гъадабгъуз кюмек тувуб ккун гъаплну.

СМИ-йинан гъазур гъаплур  
Аь. РАШИДОВ.



## СВО-йиз хушниинди гъшурихъди гюрюшмиш

Улихнаси «Табасаран район» МР-ин Глава Мягьямед Къурбанов Украина-йиь СВО-йиь чан хушниинди иштирак шулайи Юсуф Алимьягьямедовдихъди рай-администрацияйиь гюрюшмиш гъахъну.

Юсуф Алимьягьямедовдиз шубур велед а. Думу хушниинди СВО-йиь иштирак хъайиз, райондин администрацияйиь лихури гъахъну. Гьамус отпускдиз чан багъри гъулаз дурна.

Юсуф Алимьягьямедовди, райондин главайиз чан гъуллугънакан, фици думу клули гъябгъюраш, улхъан жергейиь гъял фициб вуш, гъапну. СВО-йиь гъуллугъ аплурайидариз женгар клули гъахъз вари шаритар яратмиш дапна, кьайд гъапну дугъу.

Мягьямед Къурбановди чан хушниинди СВО-йиз душну, отпускдиз дурнайиь эскриканихъ райондин жи-



гъиларихъди ва мектебдиз урхурайидарихъди, юнармейцирихъди гюрюшмиш хъувал кун гъапну

Райондин главайи эскриз, къягъялвализ, дирбашвализ, Ватан бадали вари читинвалар ккагъуз гъязур вуйивализ лигнуну, чухсагъул мялум гъапну. Киваин дапну

ккундуки, райондин администрацияйиь СВО ккебгъхъантине мобилизация дапнайи ватандашариз ва дурарин хизанариз кюмек тувбаан волонтерарин «Ухъу сатлиди» штаб гъяракатнаъ а.

(СМИ-йиан гъязур гъапну У. КЪУРБАНОВА).

## Инвесторар пай кивуз гъязур ву

(Эвел 1-пи машнаъ.) пи йисариз 7 объект тикмиш аплуб улупна.

Райондиз гъулан мяишат артмиш аплуз райондин МСП-йин субъектари ахиримжи юкбуд йисан 266 миллион манатдин къадарнаъди субсидийи ва грантар гъадагъну. Думутанна савайи, райондиз 1000 тонн йимишар ва мейвийи урхру

объект дивну.

Гьамус ухъухъ артухъди фикир туврайи месэлийи рьякъарин ву. Гъяз гъапиш ужудар рьякъар аийи йишваз гъюз-гъягъюз рьягъатди шулу ва логистика ужу алапну. Ужудар рьякъар айиган, инвесторарира муниципалитетдиз пул харж аплуру. Гьаму вахтна Табасаран ва Хив райондин райцентрал

– Хючна ва Хив сатли аплурайи рьякъин асфальт улубзну ккудубклуб важибну ву. Дици хъували инвесторар жалб аплуз кюмек аплуди», – гъапну Мягьямед Къурбановди республикайи Гьюкуматдин Председателин интервьюйихъди аьлакълуди.

Чапдиз гъязур гъапну АБ. РАШИДОВ.

## Варитан жанлуди либхурайи циркларикан саб

Тикилишчивал ухдихъанмина айи циркларикан саб ву. Тикилишдин цирклиь лихурайидар хъад кюрд дарпиди, тикилишдин ляхнар клули адагъбиин машгъулди шулу, гъяз гъапиш улупнайи вахтназ ккебгънайи тикилиш ккудубкуну ккунду, иллагъки, яшайишдин хулар тикмиш аплурайидар. Яшайишдин хулариз ккилигурайи инсанар фукъан вушра а. Ихъ гъуларийи яшайишдин хулар агъалийи чпи тикмиш аплуру, хъа шагърарийи яшайишдин гизаф мертебайин хулар тикмиш аплуз тикилишдин жюрбежор фирмийириз табшурмиш аплуру. Хуларин нубатнахъ хайлин йисари дийигънайидарин къадарра циб дар. Хъа ухъуз рьябкъюрайиганси, ахиримжи йисари тикмиш аплурайи жара тикилишарин къадарра ахъуб ву.

Росстатдин улупбарийинди, ихъ уьлкейиь тикилишдин цирклиь 6 миллиондилан зина кас лихура. Лазим вуйи тикилишар тикмиш аплури, дурари уьлкейи агъалийи жюрбежор тикилишарихъди тямин аплура.

Ихъ республикара тикилишар тикмиш аплубан улхъан жергъийи айи республикийирикани саб ву. Республикайи гъуларийи ва

шагърарийи гизаф мертебайин хулартан савайи, ахъу къадар хусуси хулар тикмиш аплубалар ужуь къайдайиь а. Мисалназ, Росстатдин улупбарийинди, ккудубшу йисан Дагъустан Республикайиь саб миллион квадратный метртан зина анжах яшайишдин хулар тикмиш гъапну. Гъадму гъисабнаан, 485 агъзур квадратный метр гизаф мертебайин хулар.

Къайд дапну ккундуки, тикилишдин цирклиь лихуз гъаммишан пишеклар гъуркери шулар. Думу цирклиь лихурайидарин тикилишдин таман аплуз ляхнар из лигнуну, гъазанжарра ахъюдар шулу. Мисалназ, статистикайи улупбарийинди, Урусатдиз къялан гъисабниинди, тикилишдин цирклиь лихурайидари гъар вазли 61 493 манат маважиб гъадабгъурайиь гъисаб шула, хъа Дагъустан Республикайиь – 46 493 манат. Му улупбар тикилишдин ляхнар ихъ лихурайи вари пишеклариз аид вуйидар дар. Мисалназ, Мягъячгъалайиь тикилишдин инженерин маважиб 65 агъзур манат, Каспийскийиь – 70 агъзур манат, прорабдин – 50 агъзурилан 180 агъзур манатдихъна.

Ккудубшу йисан республикайи гъуларийи ва (Ахир 8-пи машнаъ.)

## Аьсрарийи чпин арайиь гъюрмат ва дуствал уьрхюра, Ясана 1999-пи йисан Дагъустандиз фици террористарийи гъалиб гъахънуш

Дагъустан Урусатдиз варитан ахъу ва гизаф миллетар яшаммиш шулайи регионарикан саб ву. Ихъ республикайиь саб-швнуб дин, саб-швнуб культура а. Дагъустандиз дегъзаманйирихъанмина «дагъларин уьлке ва чаларин дагъ» клури гъахъну. Гъи ихъ республикайиь 100-тан зина миллетар ва этническийи дестийи яшаммиш шула. Асасуб гъадму вуки, дурар вари арайиь мясляаь ади, албагнуну яшаммиш шула.

Дагъустандин халкъариз мясляаь, чиб-чпин гъаврийи ахъувал ва, лазим вуш, кюмекна хил гъачабккувал улихъдин вахтарихъанмина хас лишан ву. Дагъустандин ва дидин халкъарин азадвал, асиллу дарувал бадали женгар тарихдиз циб гъахъундар. Ва гъарган дагълу халкъар чиб-чпин кюмекназ гъюри, чпин азадвал ва асиллу дарувал уьрхюри гъахъну.

Гъелелиг Къавкъаздин Албанияйи деврарийи дагъустанлуийи римдин кюшмарихъди женгарийи гъахъну. 14-пи аьсрин ахирарийи Дагъустандиз Тимури походдиз даргъийириз кюмекназ вари Дагъустандиз халкъар гъафну.

Шагъ Аббас 2-пирин кюшмарийи Дагъустандиз 1659-1660-пи йисари поход гъапниини. Дугъазра Дагъустандин халкъари сатлиди жаваб тувну.

Россияйи паччагълугъ-

дихъди Дагъустандин халкъари 25 йисан чпин азадвал ва асиллу дарувал бадали даяи гъубхнийи.

Надир шагъдихъди аьлакълу ихтилатар гъира насларихъан насларихъанна рьякъура. Думу швнуб-сабан Дагъустандизина алжагъну. Чан шубубпи походдиз 1741-пи йисан думу Дагъустандизина 100 агъзурикан ибарат вуйи кюшумра хъади гъафнийи. Дугъан метлеб вари Кафари Къавкъаз бисуб, думу чаз мутли аплуб вуйи. Дагълуийириз гъирагъдиан вуйи кюмекра адайи, дурар чапхунчийирихъди анжах чпин кувватарийинди женг гъабхуз мажбур гъахънийи.

Дагъустанлуийири сатлиди вуйи кувватарийинди Надир шагъдин кюшмар гъачархънийи. Вари кюшум дагъитмиш аплубахъан ва уч есирвалиь ахъбахъан гучибу, думу къяляхъ гъергуз хъюгънийи. Думуган дагълуийири душмандихъан тадагъдарин арайиь шагъдин пайдагъ, дугъан гъяйвнин гъизилин пирпийи, хазна ва шагъдин таж айи. 1743-пи йисан Надир шагъ Дагъустандиз даяйири дарапруз мажбур гъахънийи.

Думу даявдиз дагълуийириз аид вуйи дурумлували, къягъялвали дурар хъанара чиб-чпин багахъ ва сатли гъапну, чпиз, дагъустанлуийириз, чпин сабвалан цийи геренар ва рюгъан

сабвал улупну.

Дагъустан халкъди уч азадвал ккуниб вуйиб, жарадарин амриз уч мутли даршлуд 1999-пи йисан гъахъи гъядисийиригъра ачухъди улупну. Дагъустан халкъди чан къисмат ухдитан ва гъаргандиз Урусатдиз аьлакълу дапна ва душваь яшаммиш шулайи жара халкъарихъди шадваларра, пашманваларра, хъуркьуваларра, камиваларра пай аплура. 1999-пи йисан дагъустанлуийири чпин азадвал, асиллу дарувал, Дагъустандин ва вари Урусатдин сабвал гъюрхну, ахъу абийрин женган аьдатар чпин юкварийи уьрхюрайиь ва дурар гъюзимбу насларин юкварийи гъузруб улупну.

Сабпи чечен даявдин къяляхъ гъунши республикайи думу вахтан режимди, «Хасавюртдин ислягъвалин йикъари» туву мумкинвал ишлетмиш аплури, шубуд йисандин вахтна пулихъ даяи аплудар уч аплури, яракъ масу гъадабгъури, оборонайи дараматар тикмиш аплури ва даяи аплуз удукъу армия тешкил аплури гъахъну.

Бандформированийири метлеб Дагъустан ва бегъемди Кафари Къавкъаз Урусатдиз жара аплуб ва душваь асиллу дару ислам республика тешкил аплуб вуйи.

Къайд дапну ккундуки, Дагъустан Урусатдиз жара аплубан гъяракатар Дагъустандин ругарийи гъелелиг улхъан йисан август вазлитан ккергънайи. Думуган ерли ваххабитари Караман, Чабанманхи ва Кададар исламдин шурайи регъбервал тувру асиллу дару исламдин жямьяьтлугъдиз илтликлуз ккайиваликан мялум гъапниини. Ваххабитари Чабанманхийи гъябгъури рьякъин тьялукъ пост тешкил гъапниини ва дидин багахъ ягъли йишв'ин чру пайдагъ дубснийи. 1998-пи йисан ваххабитарин улихъ хъайидарихъди гъадму вахтна РФ-йи айтлан ляхнарин министр Сергей Степашинди мясляаьтар гъухнийи. Дурариз асас, ваххабитари чпин айи вари яракъ тувну ккундийи, хъа Степашинди дурарихъна кувват ишлетмиш дарапруз гаф тувнийи. Амма ваххабитари йикъар таман гъапундайи ва чпи 1999-пи йисан августдизкъан лап сакитди гъисс аплури гъахъну. 1999-пи йисан ваххабитари Дагъустандин Цумада райондин Эчеда, Гакко, Гигатли ва Агвали гъуларийи шарияьтдин гъюкум таплуваликан мялум гъапниини.

Августдин 2-ди Гигатлийи гур гозчивалик уьхюрайи милицияйи десте Чечняйи терефнаан Эчеда гъулаз гъягъурайи Хаттабдин боевикарин дестейихъди женгнаь убчлвру. Думу

женгнаь сар милиционер йиклуру. Боевикар ургур йиклуру, имбудар Чечняйи сяргъатарихъна хъуржру. Шубудпи август йишван боевикари Гигатли гъулан багахъ милиционерарин дестейиинна гъюжум аплуру. Натияжайиь шубур милиционер йихуру. Боевикар Чечняйи сяргъатарихъна къяляхъ гъягъюру.

7-пи августди 1999-пи йисан Шамил Басаевдин ва Хаттабдин регъберваликкди Дагъустандизина боевикар лап ахъу къадарнаъди алжагънийи. Дурари Ботлих райондин Ансалта, Рахата, Шодрода ва Годобери гъулар, хъасин сакъюдар йигъарин арайиь Ботлих ва Цумада райондин саб жерге жара гъуларра дисуру.

Гъелбетда, думу аьгъвалатдин гъякънаан Урусатдин военныйи командование дишлади уьлчийи къабул аплуз хъюбгънийи. Амма, дупну ккундуки, бандформированийири улихъ сабпи ражну вуди дийигъдар Чечняйи сяргъатариз багахъ районрийи яшаммиш шулайи ватандашар вуйи. Чан уьмур фида гъаплу живан Гъяжимурад Курахмаевдин къягъялвал, гъунар гъаргандиз дагъустанлуийири киваин гъубзиди. Федералин кюшмариз Дагъустандин ополченцийири, дурарин арайиь гизаф табасаранарра айи, ахъу (Ахир 3-пи машнаъ.)



## «Эгер жигъилариз аьгъяйиш, хъа къабидарихъан шуйиш...»

Гъарисан 12-пи августди Варидонийин жигъиларин йигъ къайд аплури аьдатнаь абхъна. Думу машквар жигъиларин артмиш валикан ва дон`яйиь ислягъ уьмрикан, жигъилариз чпин уьмриь гъаригъан алахъру читинваларикан к1ван ап1бан бадали тйин дап1найиб ву.

ООН-дин улупбарин мялум шулайганси, гъамусьяьтна дон`яйиь 1,2 миллиардт1ан зина жигъилар яшамш шула (15-24 йис яшнаь айидар, дон`яйиь яшамш шулай инсанарин 16 процент). Гъарисан дон`яйиь жигъиларин къадар 7-10 процентдинди артухъ шула. ООН-ди къайд аплураийганси, чпин планар уьмриь гъятназ кючюрмиш аплуз эгер жигъилариз аьгъювалар ва мумкинвалар тувиш, жигъиларин артмиш валин рьякьюь удукърувалари аьхю роль уйнамиш ап1нди.

Доньяйин статистикаийин улупбаринди, аьхюну къадар жигъилар касиб ва артмиш шулай уьлкйириь, яни 10 йис`ан 24 йисаз яшнаь айи 10 жигъиларин 9 жигъил ц1ибди гъазанжар гъадагъру уьлкйириь яшамш шула. Саспи уьлкйириь яшамш шулай агъалйирин къадарнакан 80 процент жигъиларик вуди гъисаб шула. Думу уьлкйириь, жигъилариз уьмриь аьхю читинвалар алахъру, яни образованиеийхъна ва медицинаийхъна вуйи дурариз мумкинвалар кми – кмиди ц1иб дап1на. Варит1ан читинди шубариз шулу, иллагъки, ярхла поселенириь яшамш шулайидариз. Дурарин ихтиярар уьрхюб ва мумкинвалар ц1иб дап1на.

Гъамусьяьтна дон`яйиь гизаф къадар жигъилар яшамш шула – жилиин али инсанарин аьхюну пай – дурар сумч1ур ва думут1ан исина яшандар ву. Гъайифки, дурарин арайиан гъарсар йиц1урпи жигъил гъархъувалин гъаракатар к1ули гъягъю-

райишвариь иштирак шула, гъац1 миллиардт1ан зина жигъилар касибди яшамш шула, гъадму гъисабнаан 24 миллион биц1ир мектебдиз гъягъюрадар. Дон`яйиь сад йигъан гаш валиан, касибвалиан 30 агъзурилан зина биц1идар кечмиш шула, гъаригъан 7 агъзурилан зина жигъиларик ВИЧ – инфекция кубч1вра.

Пишекрари къайд аплураийганси, доньяйиь айи работий агъалйирин кьувватнан юкьюб пайнакан саб пай жигъилар, гъадму гъисабнакан аьхюну пай бикарар вуди гъисаб шула.

Росстатистикаийин улупбарин мялум шулайганси, Урусатдиь 18 йис`ан 29 йисаз яшнаь айи 17 498 789 кас жигъил а. Гъамусьяьтна Урусатдиь къанундинди 14 йис`ан 30 йисахъна яшнаь айидар жигъилар вуди гъисаб аплура. Урусатдин тарихдиь ккудубшу аьсрин 1959-пи йисан к1ули гъубшу переписдин натижйириинди, 26,3 процент, хъа 1979-пи йисан 27 процент варит1ан гизаф жигъилар айи вахт гъисаб шула. Гъайифки, гъийин деврин жигъиларин аьхюну пай ляхнихъди тяминди дар, дурарин чпинра гъюкуматдин ляхнихъди лихуз дицикъан аьшкъ адар, гъаз гъапиш, дициб маважибдинди хизандин дуланажагъ аплуз читинди алабхъру.

Мисалназ, ккудубшу йисан ихъ уьлкйиь 35 йисахъна яшнаь айи лихурайидарин къадар 1,3 миллион касдинди ц1иб гъабхъну. Гъадарин арайиан 25-29 йис яшнаь айи жигъиларин къадар артухъди ву. Хъа, Росстатдин улупбаринди, гъюкуматдин ляхнихъди лихурайи 60-69 йис яшнаь айидарин къадар 4,9 миллион касдинди артухъ гъабхъну.

Дагъустан Республикаийь, ккудубшу йисандин улупбаринди, 14 йис`ан 35 йис яшнаь айи 1089,4 агъзур кас яшамш шула (республикаийь яшамш шулайи вари

агъалйирин къадарнакан 34,5 процент). Урусатдин жара регионарик гъилигиган, ихъ республикаийь гъюкуматдин ляхнихъди лихурайи жигъиларин къадар артухъди ву.

Ихъ районра жигъиларихъди девлетлу район ву. Дици вуйиб райондин жигъилари тамам аплураийи ляхнари улупура. Мисалназ, райондин идарйириь лихурайидарин аьхюну пай жигъилар ву, хъа Украинаийь к1ули гъягъюрайи спецоперацияийин иштиракчйирикан улхуруш, республикаийь ихъ райондин варит1ан гизаф жигъилари душваь гъуллугъ аплура, ва дурар неонацистарихъди вуйи женгарь уч1вна. Райондин статуправлениеийин улупбаринди, райондиь гъамусьяьтна 18 йис`ан 29 йис яшнаь айи 6069 кас яшамш шула.

Улихъна йигъари «Табасаран район» МР-ин «УФКСТ ва ДМ» МБУ-ийн директор Руслан Керимовдикан райондин жигъилари тамам аплураийи ляхнари, дурариз алахъурайи читинваларикан пуб ккун гъап1нийза. Дугъу гъамци гъап1нийи:

- Райондин жигъиларин Центрин пишекрари жигъиларихъди вуйи ляхин гъабхувал жанлу аплура. Гъарисаз вуйи план дюзмиш аплури шулча. Гъадму пландиз асас к1ули духну ккуни ляхнар чан вахтна тамам аплуз чалашмиш шулча. Райондиь к1ули гъягъру вари серенжемарий жигъилар иштирак шула. Улихъдиси дарди, аьхиримжи йисари жигъилар ляхнихъди тямин ап1бан ляхинра писди дар. Сабсана месэлайикан пуз ккундуз. Улихъди кючйириь ички дубхъну, чпикантинна жара касар инжик аплури, хулахъ гъалмагъал ипру жигъиларин дестйир кми-кмиди рьякьюри шуйи. Гъамус дицдар дестйирин къадар йисан-йисаз ц1иб шула, яни чпин хулан, хизандин, абйир-ба-

барин гъайгъушнаь уч1внаий жигъиларин жергйир яркъу шула. Дици вуйивали шад аплуру. Ав, газат урхру юлдшари пуз мумкин ву: «Жигъилариз тамам аплуз ляхин адар». Инкар ап1дархъа, думу гъац1 хъузра ву. Вари жигъилар райондин кевшариин ляхнихъди тйин аплуз мумкинвал адар. Хъа, саб ухъухъ дици дарди дар, вари уьлкйиь думу месэла уч1руди дийибгънайи месэлайирикан саб ву. Думу месэла шлубкъан ужувлахъинди гъял аплуз райондин руководство чалашмиш шула. Жигъилар ихъ гележег ву. Дурариз ляхнихъди уьмриь ухъу шарайтар яратмиш дап1ну ккунду. Жигъиларин Центрин пишекрарин терэфнаан райондин вари жигъилар думу йигъахъди тебрик аплураза...

Ихъ аьхюдарин гъамциб мисал а: «Эгер жигъилариз аьгъяйиш, хъа къабидарихъан шуйиш...» Йиз фикриан, му мисалин мяна гъамциб ву. Жигъил вахтари тамам дап1ну ккуни вари ляхнари гъавриь ади шулдар, хъа яшлу гъахъиган, гъавриь а к1ури, тамам аплуз кьувват шулдар. Гъац1и вуйиган, гъавриь айи яшлу-йирихъан жигъилари гъерхри, думу ляхнар тамам аплури ккунду. Гъац1и гъабхъиш, ихъ жигъилар чпин метлебарихъна ухди хъуркъди.

Закур Варидон`яйин жигъиларин йигъ ву. Ав, гъамусьяьтна вари буллугъди айи девир вушра, аьзиятнаь, читинвалиь, аьзарнаь ахънайи жигъиларин къадарра биц1иб дар. Гъит ихъ жигъиларин гележег ужуб ибшри. Жигъиларин йигъахъди вари жигъилар тебрик аплури, дурариз чпин уьмриь варит1ан ужудар шадвалин, сагъвалин, пашманвал адру, ислягъ йигъар къисмат хъуб ккун аплурхъа. Дицидар йигъариз ихъ жигъилар лайиклу ву.

Угълангерек  
**АБДУЛКЕРИМОВА,**  
отделин редактор.

## Чан къаст к1улиз адабгъну



Улихъна йисари табасаран шубарин арайиь къялан пишекваларин, заан образования айидар лап ц1ибт1ан адайи. Ихъ дишагълийирин насларихъан – насларихъна, бабхъан шурахъна гъягъюрайи искусство вуйи халачачивал давам ва артмиш аплури, дишагълийири дид`инди хизандизра, райондизра, республикаийизра аьхю гъазанжар хуйи. Хъасин уьлкйиь к1ули гъушу аьхю дигиш`валари халачачивал лап зяиф гъап1у. Агъзраринди квадратный метр халачйир гъясил аплураийи фабрикар гъадаргъу. Гъясилвал дийибгъу. Хъа зегъметнин юк1в алди, фунуб читинвалианра удуч1вуз бажаранвал кади вердиш гъахъи ихъ инсанар чпин дуланажагъ тямин аплуз чалашмиш гъахъи.

Къад-сумч1ур йис улихъна, Гурихъ гъул`ан вуйи риш Иваново областдиз медсестрайин пише гъадабгъуз гъушну гъапнийиш, саб аьхю ляхинси гъибгъуйи, хъа гъамус аьгъювалар айи, ккуни пишейин

эйси хъуз къаст дап1найи шубарихъан, ихъ уьлкйиь фунуб п1п1нахъна вушра душну, ЕГЭ-ийн ва ОГЭ-ийн

балларин кюмекнинди урхуз куч1вуз шулу. Гъац1и аьгъювалар гъадагъу шубарикан сар Раисат Мягъмудовара ву. Узуз ухдихъанмина таниш вуйи му шуран хъуркъуваларикан дибрик1ди гъибтуз гъабхъундарзухъан.

Раисат Юсуфовна ихъ райондин Гурихъ гъулаь пожарникдин аьхю ва албагу хизандий бабкан гъахъну. Багъри Гурхъарин къялан мектебдиь 9-пи класс ккудубк1у,

биц1идихъанмина чан юк1в али пише медсестра вуйи Раисат Иваново шагърин медучилищейиь урхуз уч1вну. 2019-

пи йисан душваь урхуз уч1ву Раисат Мягъмудова, улихъна йигъари уьру дипломдинди медучилище ккудубк1ну, жигъил пишеквар духъну, къяляхъ гъафну. Думу медучилищейиь урхурайи юкюдварждихъна студентарикан 18 касди уьру дипломариз, яни заан аьгъювалар ади, убхувал ккудук1ну. Гъадарин арайиь ихъ биц1и халкъдин вакил Раисат Мягъмудовара айивали шад аплуру.

Раисатдин дада Милянат Мягъмудова, МГОПУ ккудубк1ну, Гурхъарин къялан мектебдиь мялимди лихура. Дадаийн метлеб шуру мялимвалин пише ктабгъуб вуйи, хъа Раисатди чан к1ваз ккуни пише, инсанарин сагъламвалин гъаравлиь хъуб, читинвал кайириз кюмек тувуб вуди гъисаб аплуйи. Магъа, юк1в хъайиган, к1улизра адабгъну. Гележегдиь ляхниьра, уьмриьра хъуркъувалар ва бахтар ишривуз, Раисат!

Фарзилат  
**РАЖАБОВА.**

## Аьсрариь чпин арайиь гъюрмат ва дуствал уьрхюра...

(Эвел 2-пи машнаь.) кюмек гъап1ну. Республикаийиз думу читин йигъари 12 агъзурт1ан зина дагъустанлуийр ополченцийр вуди регистрация гъап1нийи. Дурарикан хъуд агъзурт1ан зина женган операцияириь иштирак гъахъну. Дурарикан 8 ополченецдиз ватандин варит1ан заан награда – Урусатдин игит ччур тувну.

11-пи августди боевикари гъидису гъулар азад гъап1нийи ва Чечняийин сьаргъатариз багахъ вуйи Ансалта, Рахата ва Шодрода гъуларий дийигънийи. 23-24-пи августди Басаевдин ва Хаттабдин дестйир Дагъустандин ругарилан улт1уккийи. Амма гъадму вахтна Карамаци, Чабанмахи ва Кадар гъуларин агъалйири «Кадарин зона» асиллу дару исламдин республика вуди мялум гъап1нийи. Думу гъуларий айи дестйирра варидюньийин террористарин саб пай вуйи. «Асиллу дару республика» жикъи вахтан арайиь имдар гъап1нийи. 12-пи сентябри душваь дяви ккудубк1нийи.

Хъудпи сентябри кьуд агъзурихъна боевикар Новолак райондиь архънийи. Душваь саб-швнуб гъул ва стратегияийн эгъемият айи тепйир гъидиснийи. 7-пи сентябри федералин кьувватари ва ополченцийри боевикар Хасавюртдихъан 5 километр манзилнаь дерккру. 11-пи сентябри, «Кадар зонаийь» боевикар магълуб хъуб аьгью гъабхъиган, Шамил Басаев ва Хаттаб чпин регъберваликк къайи бандформированийири хъади Чечняийиз гьерггру. Сентябрьин къялариз Дагъустандин вари ругар бандформированийирихъан марцц гъап1нийи.

Гъамус дидхъанмина 24 йис душна. Думу гъядисйир сар дагъустанлуийнра к1вазлан гъягърудар дар, дурари сабсана ражну дагъустанлуийрин сабвал, ватанпервервал, Дагъустан бадали гъарсар агъали къягъялвализ, гъунарар улупбаз гъязур вуйивал, чпин аьхю насларин аьдатариз вафалу вуйивал улупну. Дагъустандин халкъари аьсрариинди чпин арайиь гъюрмат ва дуствал уьрхюра.

Дагъустанлуийриз гъи, вари халкъарин вакиларихъди сат1иди, СВО-ийь Аьхю Ватан-Урусат, дидин азадвал, къиматлувалар уьрхюб къисмат дубхъна. Ухъуз, ихъ вакилари, Урусатдин жара халкъарин вакиларихъди сат1иди, думу вазифйир фициб къягъялвалиинди тамам аплураш, ачухъди рьякьюра хъуз. Дурарин гъунарарин улихъ икрам аплурхъа.

Аьбдулмажид  
Рашидов.



## К концу года в Хурикской школе должны быть готовы 3 корпуса



На прошлой неделе уполномоченный представитель Главы РД в Народном Собрании РД Нюсрет Омаров ознакомился с ходом строительства новой школы на 500 ученических мест в селении Хурик.

Посещение объекта состоялось по поручению Главы республики Сергея Меликова для получения объективной картины темпов и качества строительства социально-значимого объекта, а Нюсрета Омарова сопровождали глава Табасаранского района Магомед Курбанов, представитель фирмы-застройщика ООО «Стройоригинал» Гаджи Гаджиев, специалисты администрации района и местных властей.

Хурикская школа одна из самых крупных в районе по числу ученических мест, при этом старые здания были признаны аварийны-

ми. В конце 2021 года в рамках национального проекта «Образование» началось строительство новых типовых корпусов школы на 500 учеников. Согласно проекту, предусмотрено строительство сразу 5 корпусов- 3 учебных, столовой и спортзала. Дополнительно предусмотрено возведение открытой спортивной площадки.

Нюсрет Омаров осмотрел строящийся объект. Как рассказал прораб стройки, полностью завершено возведение стен на 1-м и 2-м этажах учебных корпусов, скоро строители должны приступить к внутренним работам и провести электротехнические работы. Идет возведение еще одного корпуса. Как сказал Гаджи Гаджиев, к концу календарного года 3 корпуса должны быть полностью готовы и сданы, таким образом, завершится

1-й этап строительства Хурикской школы. В настоящее время на нем трудятся 2 бригады рабочих, более 20 человек. Нюсрет Омаров обсудил с ними условия труда, своевременного получения заработной платы и качества строительства.

В процессе ознакомления с ходом работ состоялось обсуждение с владельцами примыкающих к школе земельных участков о возможности передачи их под строительство школьной спортивной площадки. Согласно предварительной договоренности, произойдет обмен на равные по площади наделы в других местах.

«Важно сохранять темп строительства, чтобы объект был сдан заказчику согласно плану. Но, конечно, не в ущерб качеству работ», - сказал Нюсрет Омаров.

А. ИСАЕВ.  
Фото Н. РАГИМОВА.

## Быть уклонистом станет дороже

31 июля Президент страны Владимир Путин подписал Указ о внесении изменений в статью 21 КОАП РФ о повышении штрафов за неявку в военкоматы по повестке. Разъяснения по наступающим изменениям дал нашей редакции военный комиссар Табасаранского муниципального района Садык Мурадалиев.

**- Когда вступят в силу изменения в Кодекс и кого они коснутся?**

- Закон вступит в силу 1 октября 2023 года и согласно его букве произойдет ужесточение ответственности за неявку в военкоматы, за неоказание содействия военкоматам в мобилизационной работе, а также непредставление списков подлежащих постановке на военный учет.

**- Как это коснется призывников? Можно привести примеры?**

- Например, если гражданин без уважительной причины не явится по повестке в военкомат, то это повлечет за собой наложение административного штрафа от 10 до 30 тыс. рублей (сейчас от 500 до 3000 рублей). Поднялись штрафы и за несообщение об изменении места жительства, семейного положения, выезде за границу и других перемещениях и т.п. В таких случаях штраф составит от 1 до 5 тыс. рублей. Строже наказывается уклонение от медицинского обследования - 15-25 тыс. рублей.

**- Но если виноват не призывник, а ответственное лицо организации, в котором он работает, которое вовремя его не проинформировало о вызове на призывную комиссию?**

- Изменениями в законе предусмотрено и увеличение штрафов на должностных лиц, не обеспечивших



своевременное оповещение граждан, в размере от 40 до 50 тыс. рублей (сейчас взимается штраф от 1 до 3 тыс. рублей). А юридические лица могут быть оштрафованы на сумму от 350 до 400 тыс. рублей.

Хочу сказать, что эти меры прежде всего направлены на наведение порядка при проведении призывной комиссии и актуализации информации о месте жительства граждан призывного возраста. Мы часто сталкивались с ситуацией, когда лица, подлежащие призыву, не проживали по месту регистрации и никто не знал где их искать. Теперь же, с ужесточением ответственности, призывники сами будут заинтересованы информировать военные комиссариаты о своем местонахождении.

Беседовал А. ИСАЕВ.  
Фото Н. РАГИМОВА.

## Права и обязанности застрахованных граждан

В Конституции Российской Федерации закреплено право граждан на получение бесплатной, доступной, гарантированной медицинской помощи, оказанной в государственных и муниципальных учреждениях здравоохранения за счёт средств соответствующего бюджета, страховых взносов, других поступлений.

Обязательное медицинское страхование (ОМС) — один из наиболее важных элементов системы социальной защиты населения в части охраны здоровья и получения необходимой медицинской помощи в случае заболевания.

Полис обязательного медицинского страхования — это официальный документ, который предназначен для удостоверения права застрахованного лица на получение медицинского обслуживания на бесплатной основе в том объеме, который предусмотрен в базовой программе

ОМС. Функции полиса, а также его гарантии определяются Законом РФ «Об обязательном медицинском страховании в Российской Федерации» № 326-ФЗ, принятым 29 ноября 2010 года.

Владелец полиса должен иметь его постоянно при себе, чтобы воспользоваться возможностью при возникновении страхового случая получить бесплатные медицинские услуги в необходимом объеме. Ст. 16 закона предусматривает, что за неимением страхового полиса гражданин может рассчитывать только на экстренную помощь. Воспользоваться документом застрахованный имеет право в том медицинском учреждении, к которому он прикреплен согласно своему документу.

Полисы ОМС выдаются гражданам бесплатно, необходимо при себе иметь документ, удостоверяющий личность:

- паспорт (для взрослых);

- метрику ребёнка и паспорт одного из родителей (для детей).

- СНИЛС

Очень часто, при обращении в медицинские организации, мы помним о наших правах, но забываем об обязанностях.

Застрахованные лица имеют право на:

1. Бесплатное оказание им медицинской помощи медицинскими организациями:

- на всей территории Российской Федерации;
- на территории субъекта Российской Федерации, в котором выдан полис обязательного медицинского страхования.

2. Выбор страховой медицинской организации путем подачи заявления.

3. Замену страховой медицинской организации, в которой ранее был застрахован гражданин, один раз в течение календарного года не позднее 1 ноября.

(Продолжение на 8-стр.)

## СВОЕВРЕМЕННАЯ ОПЛАТА ЗА ГАЗ – ОБЯЗАННОСТЬ КАЖДОГО ПОТРЕБИТЕЛЯ

ПРОИЗВОДИТЕ ОПЛАТУ ВОВРЕМЯ И В ПОЛНОМ ОБЪЕМЕ



ОПЛАЧИВАЙТЕ ЗА ГАЗ ВОВРЕМЯ - ДО 10 ЧИСЛА МЕСЯЦА, СЛЕДУЮЩЕГО ЗА ИСТЕКШИМ

Спасибо тем, кто платит за газ вовремя!

Поставщик газа на территории Республики Дагестан — «Газпром межрегионгаз Махачкала» напоминает, что оплату за потребленный газ необходимо производить до 10 числа каждого месяца.

Потребителям, имеющим задолженность за потребленный газ, необходимо срочно погасить её!

Заплатить за газ без комиссии и очередей, можно дистанционно, используя онлайн сервисы в «Личном кабинете абонента» на сайте [www.mkala-mrg.ru](http://www.mkala-mrg.ru) или, скачав мобильное приложение «Газ ОНЛАЙН», или «Мой ГАЗ» на смартфон.

В «Личном кабинете абонента» содержится информация о предыдущих платежах абонента, а также указана сумма задолженности за газ.

Уважаемые абоненты! Не копите долги и совершайте все расчёты вовремя!

По всем спорным вопросам расчётов за газ звоните в рабочее время в «Контакт-центр» ООО «Газпром межрегионгаз Махачкала» - по бесплатному номеру 8 800 200 98 04.



## Игит-бабан игит баяр...

Аьхиримжи вахтна ихь уьлкейиш шубур бицлир айи хизан гизаф бицлидар айи хизан вуди гьисаб аплура, хъа 25-30 йис улихъна хъур ва дидлан зина бицлидар айи хизанар гизаф бицлидар айидар вуди гьисаб аплуйи. Думутанна савайи, ихь уьлкейиш Дагъустан гизаф бицлидар айи хизанаринди, хъа Дагъустандиь Табасаран гизаф бицлидар айивалииндиси, йицлур ва дидлан зина бицлидар аьхю ва тербияламиш гьаплу Игит-бабарин къадарниндира машгъур вуйи. Гьадму Игит-бабарикан сар Акъа гьулан агъали Угълангерек Гьажибрагъимовара ву.

Угълангерек Гьажибрагъимова Акъа гьулаь нежбрин аьхю хизандиь бабкан гьахъну. Чан гьулабай Ражаб Гьажибрагъимовдихъди эвленмиш гьахъну. Ражаб Гьажибрагъимов гизаф йисари «Табасарандин нурар» газатдиь шиклар йивру мухбирди гьилихнийи. Чан ляхнийн гизаф юкIв али, коллективдиь гьюрмат айи кас гьахъну. Угълангерек Гьажибрагъимова вари табасаран дишагълийирси, Хючнаарин халачийрин фабрикайин халачачи вуди, халачийр урхбийн машгъул вуйи. Акъа гьулаь халачийр урхру цех адрувализ лигну, мугъу хулаь халачийр урхури шуйи. Хизан ккебгъу жигъилариз чиб – чпихъди йицлишубур бицлир гьахъну. Думу йисари гизаф бицлидар айи хизанариь, аьхюдарстар шубар вуйиган, думу шубари дадайиз халача убхузра, бицлидариз хъайивал аплузра кюмек аплуйи, хъа мугъан сарпир риш, хъа имбудар баяр вуйи. Угълангерек бажийиз гьирагъдиан вуйи кюмек думукъан адайи. Думу вахтари, гьамусси, хулаь табиятдин газ, убхъру шид, жара рягъатвалар адайи.

хал-хизан ккебгъуб, тербия тувуб, пишекарвалин рякъюз гьязур аплуб мугъаз ялгъузди алабхъну.

Аьхю хизандиь тербияламиш гьахъи мурарин веледар, бицлидихъанмина чпин абйир-бабариз чпихъан удукъруси кюмек туври,

бицлину бай Замирихъди ва швушв Зейнабдихъди яшамииш шула.

Мялум вуйиганси, йицлур ва дидлан зина бицлидар гьахи ва гьюрхю бабар гьюкуматдин терефнаан «Игит – баб» ччвурнахъди ва гьизилин медалихъди лишан-



кIул инди фунуб ляхинра тамам аплури, вердиш гьахънийи. Шубари дадайин пише, халачачивал аьгъю гьаплнийи, хъа баяри мектеб ккудубкIну, яшнакк ккуркъну, чпин ватандаш валин буржи тамам аплуз армияйиз гьушдари, чпин уьмур РФ-ийн Яракълу Къувватариь гьуллугъ аплбаз бахш аплуз къаст ади, гьуллугънан аьхирь контракт бикIуйи. Саб вахтна мугъан ургур бали Че-

чечен Республикайиь кIули гьушу, Сирийиь халкъарин арайиь тарабгъу вагъабизм, терроризм терг аплбан гьаракатарийра юкъур бай -Сядулла, Нурутдин, Мюгъютдин, Низамутдин иштирак гьахъну. Дурари гьуллугъ аплури гьахъи частарин командирарин терефнаан Угълангерек Гьажибрагъимовайиз, баярин намуслу гьуллугъназ, мурариз ужуб тербия тувбаз лигну, Чухсагъулин кагъзар гьафну. Хъа



Сядулла

Пичрак цIа капIанра, хулаз къял инди гвараьди шид хпанра, ахъиь малариз, пезриз хъайивал аплбанра, чиб-чпихъди гьахъи бицлидарин гъайгъушнаь хъувалара му дишагълийин гьюнарин алийи. Баяр-шубар аьхю духъну, юкъур велед эвленмиш аплбахъан Угълангерекдин жилир Ражаб Гьажибрагъимов гьагъи узври вахтсузди уьмриан гьухну. Эвленмиш аплуз имбу урчIвур бицлирин гъайгъу зигуб, дурарин



Низамутдин

чен Республикайиь контрактинди гьуллугъ аплурайи. Чечен Республикайиь кIули гьушу гьядисийриьра дурар вари иштирак гьахъну. Магъа дурар: Мягъмед, Ниматулла, Сяадулла, Мюгъютдин, Нурутдин, Низамутдин, Замир, Гьажибрагъим, Мягъмуд.

Йисар гьушну, Угълангерек Гьажибрагъимовайи чан веледарин варидин хизанар ккергъну. Гьарсар чан хизандихъди чан кIваз хуш вуйи йишваригъ а. Угълангерек бажи, аьдат вуйиганси, чан



Нурутдин

наь а. Угълангерек бажийин юкъур бали - Сяадуллагъди, Мюгъютдинди, Нурутдинди, Низамутдинди хтулар вуйи Абдуллагъди, Халикьри ва шуран жилир Артури СВО-ийи гьуллугъ аплура. Сар бай, Ниматула, Украинийиь спецоперацияйиан ицру духъну гьулаз гьафир, кечмиш гьахъну. Гьаци, пашманвалра мугъан гьирагъдихъан гьубшундар.

Юкъур велед, къюр хтул ва язна Украинийиь йигъ – йишв дарпиди нацистарихъди

женгнаь айи бабан кIвакан хабар гьадабгъиган, дугъу гьапнийи: «Йиз веледар чпин хьюгъю ляхин кIулиз адабгъуз ккунидар ву. Армияйиз душну, чпин ватандаш валин гьуллугъ тамам даплну, къяляхъ гьюру вахт улубкъиган, узуз хабар дебккуйи: «Ич гьуллугъ давам аплуз ккундучуз, яв фикир йип, дада». Узур баярин фикрихъди рази шуйза. Ихь аьхю наслари 1941-1945-пи йисари ихь Ватан душмандихъан гьюбхну. Хъа гьамус, иплузра, алабхъузра айи вахтна, ихь жигъилариси, йиз веледарира Ватан нацистарихъан уьбхбак пай киврувалиин узу шад вуза. Хъа улубкъуз ккайиб, жвуван хулаь, хизандиь ашра, улубкъуру. Магъа йиз бай, Ниматулла, Украинийиь спецоперация ккебгъу йигъланмина гьадушваь ади, гьулаз гьафир гьакIну. Гьелбетда, юкIв архинди шулдар, хъа жвуван ктабгъу пише намуслувалиинди тамам даплну ккунду. Йиз баяри, хтулари, язнайи тамам аплурайи гьуллугънийн узуткан ва шад вуза». Угълангерек Гьажибрагъимовайиз йицлишубур велед, 38 хтул ва 5 гудул а. Гьадрар мугъан шадвал ва утканвал ву. Мугъан веледар Ватан уьбхбан женгнаь айи ватанперверарси, жямаятдин арайиь фунуб ляхнийра иштирак шлу инсанарра ву.

Чечен Республикайиь кIули гьушу, Сирийиь халкъарин арайиь тарабгъу вагъабизм, терроризм терг аплбан гьаракатарийра юкъур бай -Сядулла, Нурутдин, Мюгъютдин, Низамутдин иштирак гьахъну. Дурари гьуллугъ аплури гьахъи частарин командирарин терефнаан Угълангерек Гьажибрагъимовайиз, баярин намуслу гьуллугъназ, мурариз ужуб тербия тувбаз лигну, Чухсагъулин кагъзар гьафну. Хъа

## Чан буржийр кIваантIан тамам аплура



Имшнигъ гьулаь мялимдин аьхю ва албагу хизандиь бабкан гьахъи Зюгъра Нурмягъямедовайин бицлигантIан духтур хъуз къаст айи. Му аьзарлу инсандиз, къаби касдиз чахъан шлу кюмек тувуз гьарган гьязурди шуйи. Халачайин дуркъарихъ дадайихъди деъну, халачайик гугар китIри, халача убхуз кюмекра аплуйи, хъа дадайи кIуйи: «Му ихь дишагълийириз варилиз аьгъяди ккуни, ихь халкъдин искусство вуйи халачачивал лапзайиф дубхъна, халачийрин фабрикар хъяркъну, гьамус анжах гьирагъдиан вуйи заказар урхури ими, учву, йиз шубари, учвуз инсанарихъан гьюрмат айи, учвхъан уж в'вал аплуз шлу кеспан эйсир хъуз чалашмиш йихъай. Мектебдиь ужудар аьгъювалар гьадагъуз, инсанарин арайиь учву инсанвалиинди гьахуз дубгъай».

Чан къастар кIулиз адабгъуб, аьзарлу инсандиз чахъан удукъру кюмек тувуб метлеб вуди, 2009-пи йисан Имшнигъарин къялан мектеб ккудубкIу Зюгъра Нурмягъямедова Дербент шагъриь медучилишейиь урхуз учIвнийи. Медучилише ккудубкIу жигъил пишекар, Улуз гьулаь Назир Нурмягъямедовдихъди эвленмиш духъну, гьадушваь фельдшервалинна-акушервалин пунктдиь (ФАП-диь) патронаждин сестради лихуз хьюгъну. Душваь ляхин аплури мугъан гьамус ургуд йис тамам шула. Зюгъра Нурмягъямедовайи бицлидариз чпин вахтнагъди рубар йивбан, гьамила дишагълийир гьисабназ гьадагъбан ляхин гьабхура, аьзарлу яшлуйирин, яни гипертония ва жара хронический уззар кайидарин, сагъламвал къайдайиь аш, ахтармиш аплури, кми-кмиди улуркъури, чахъан шлу насигъатар туври шулу. ФАП-дин заведующий Сулейман Сулеймановди «мугъан ляхникан гизаф рази вуза, чан буржийр намуслувалиинди тамам аплури пишекар ву» гьапнийи.

**Фарзилат РАЖАБОВА.**  
Шиклиь: Зюгъра Нурмягъямедова.

**Нуруллагъ РЯГЪИМОВДИ**  
гьиву шикил.

**Аьлирза РАМАЗАНОВ,**  
Акъ'арин къялан мектебдин директор.  
(Хизандин архивдиан вуйи шиклар).



1	2	3	4	5						"Москвич-2141"
Герой Сталлоне	Беговой аллюр	... де Бержерак								
Актриса Дженнифер ...	Скорпортящийся ...	Кустарное ружье			"Босс" в ВМФ	Элвис-король	Хата			
Смычковый гигант	Выруб для двери	Боец в траншее			Столица Доминики					
Бард времён СССР	Команда циркачу				Усатый сюрреалист					Предок рояля
Корова "в девичестве"	Голлавлородич	1			Прежнее название Таллина	2				?
Судья на ринге	3	1/100 евро			Главный фонтан Рима					5
					Город в Коми					Птицаносорог
					Театр при ресторане					...Анджелес
					И шакалы, и койоты					
Обувка хоккеиста										Заряженный атом



### Варитан жанлуди либухурайи циркларикан саб

(Эвел 2-пи машнаь.)  
бликаий образованиеийн 42, хуларинна - коммуналин мяшадтин 66 тикилиш тикмиш, 100 хал капитально рас ва тикилишдин жара ляхнар тамам гьаплну. Тикилишдин ляхнар шагьрариз ва гьулариз шид зигурайи йишвариинна клули гьухну. Гьаму йисан республикаий анжах образованиеийн 58 тикилиш, гьадму гьисабнаан 50 мектеб ва 8 бицидарин багь тикмиш аплуз планламиш даплна. Думу тикилишарихь гьизгьинди тикилишдин ляхнар клули гьахура.  
Ихь райондиьра гьарисан тикилишдин хайлин ляхнар клули гьахура. Райондиь аххирхьси рас аплувалин ляхнар тамам аплури шулу. Асфальт, бетон, кирпич гьязур аплру тешкилатари думу

продукцияйихьди райондин агьалийр тьмин аплру. Райондиь тикилишдин гьван ккадабгьру 14 карьер а, гьадму гьисабнаан 6 карьер гьяракатнаь айидар. Ерли гьванарикан тикилишар тикмиш аплури имдаршра, думу гьвандизра ахью игьтияж а, гьаци вуйиган, думу жюре гьван гьязур аплрударра ухьуз ахьуз.  
Ккудубшу йисан райондиь мектебарин рас аплувалин ляхнар, мектебдин гьят, гьирагь - бузагь албагуз, рьякьар рас аплуз ва расвалин жара ляхнар клули гьахуз подрядчикарихьди 72 йикьрар гьийитлну. Мисалназ, 2019-2022 - пи йисари ихь райондиь вари сабишви инди 39 мектеб, 6 бицидарин багь капитально рас гьаплну. Райцентриь ва гьуларий аий хай-

лин СДК-йир, библиотекйир, сагьламвалин ужагьар капитально рас гьаплну. Гьуларий цийи скверар тикмиш, айидарин рас аплувалин ляхнар клули гьухну.  
Аххирижи йисари рьякьар тикмиш ва капитально рас аплувалин ляхнар райондин руководствойи асас фикир тувар. Мисалназ, 2019-2022-пи йисари райондиь айи асфальт улубзнайи рьякьарин манзил 90 километр гьисаб гьабхьну. Гьадму вахтан арайиь гьулариз гьягьру ва гьуларин айтл 100 километр манзил рьякьар гьаплну. Ккудубшу йисан муниципалин фонддиан райондиь 17 километрйихьна рьякьарин рас аплувалин ляхнар клули гьухну, 6 километрйихьна рьякьар ин асфальт улубзарну.  
Райондиь ресторанинна

- гостиницйирин комплексар тикмиш аплувалра заан держайиь а. Саб жикьи вахтан арайиь райондин гьуларий ва центриь саб - швнуб комплекс тикмиш даплну, гьяракатнаь ирчну. Тикилишар тикмиш аплувал давам шули ими.  
Гьаму йисанра райондин гьуларий рьякьар рас, цийи скверар, мектебар тикмиш аплувалин ляхнар жанлуди клули гьягьюра.  
Ихь тикилишйири гьаму йисаз планламиш даплнайи тикилишдин вари ляхнар клулиз адагьрувалик умуд кивдихьа.  
Тикилишдин йигьахьди райондин вари тикилишйир тебрик аплури, дурариз жандин сагьвал, чпи тамам аплурайи ляхний хьуркьувалар хьуб ккун аплураха.  
**У. АБДУЛКЕРИМОВА.**

### Единовременное пособие для первоклассников

В УСЗН Табасаранского района продолжается прием заявлений для выплаты пособия при поступлении ребенка в 1 класс.  
Право на получение регионального единовременного пособия имеют многодетные семьи первоклассников, чей доход не превышает величину прожиточного минимума, установленную в регионе.  
Размер пособия составляет 2445 рублей на первоклассника.  
Перечень документов, необходимых для назначения единовременной денежной выплаты на детей, поступающих в первый класс:  
справка из органов образования о приеме документов на зачисление ребенка в

первый класс;  
копии свидетельств о рождении детей;  
копии паспортов или иных документов, удостоверяющих личность родителей или другого законного представителя ребенка (детей);  
копии СНИЛС родителей (законных представителей) и детей;  
документы, подтверждающие сведения о доходах каждого члена семьи (либо отсутствие дохода);  
копия свидетельства о заключении брака;  
реквизиты счета в банке.  
В 2023 году прием документов для назначения пособия осуществляется до 1 декабря.

**УСЗН.**  
**Халкьдин мисалар**  
Саб сабриь агьзур хайир шул.  
Сабри учлвру мутму меьли аплур.  
Сабри дагьлар дерккур.  
Сабри сивар гьадагьур, гьа-

лаквали гьюлер уьтлюхюр.  
Сабур гьапллиш, сиварсиб хьял дяхнин ударси бици аплуз шул.  
Читин вахтна сабур ахью девлет ву.

### Коротко

#### Администрация Табасаранского района на втором месте в Дагестане по оценке регулирующего воздействия

По итогам работы за 2022 год по хорошему уровню качества осуществления ОРВ Табасаранский район вошёл в тройку лидеров - занял 2 место.  
Рейтинг был составлен Министерством экономики и территориального развития Дагестана на основе анализа представленной администрациями районов информации и мониторинга их официальных сайтов.  
ОРВ - это то, каким образом государство формирует и меняет правила работы бизнеса, общественных организаций, бюджетного сектора.

Утерянный аттестат о среднем образовании за номером № 00518002354877, выданный Хили-Пенджикской СОШ в 2021 году на имя Абасовой Соны Абдурахмановны, **считать действительным.**

Утерянный аттестат о среднем образовании за номером № 00518002359743, выданный Хили-Пенджикской СОШ в 2021 году на имя Абдуллаевой Абиет Манафовны, **считать действительным.**

Ккувлигьарин кьялан мектебдин мялимарин, техработникарин ва урхурайидарин коллективди, душаь техработникди лихурайи Эскер Гьажмиа-гьямедовдин гьардаш  
**Шихмягьмед**  
кечмиш хьувал дерин пашманвалиндин мялум аплбахьди сабси, дугьаз, дугьан хизандиз ва багахьлуийриз башсагьлугьвал ккун аплура.

### Права и обязанности застрахованных граждан

(Начало на 6 стр.)  
4. Выбор медицинской организации.  
5. Выбор врача путем подачи заявления лично или через своего представителя на имя руководителя медицинской организации в соответствии с законодательством в сфере охраны здоровья.  
6. Получение от ТФОМС, СМО и МО информации о видах, качестве и об условиях предоставления медицинской помощи.  
7. Защиту персональных данных, необходимых для ведения персонализированного учета в сфере обязательного медицинского страхования.  
8. Возмещение страховой

медицинской организацией ущерба.  
9. Возмещение медицинской организацией ущерба, причиненного в связи с неисполнением или ненадлежащим исполнением ею обязанностей по организации и оказанию медицинской помощи, в соответствии с законодательством Российской Федерации.  
10. Защиту прав и законных интересов в сфере обязательного медицинского страхования.  
Застрахованные обязаны:  
1. Предъявить полис обязательного медицинского страхования при обращении за медицинской помощью, за исключением случаев оказания экстренной медицинской

помощи.  
2. Подать в страховую медицинскую организацию лично или через своего представителя заявление о выборе страховой медицинской организации.  
3. Уведомить страховую медицинскую организацию об изменении фамилии, имени, отчества, данных документа, удостоверяющего личность, места жительства в течение одного месяца со дня, когда эти изменения произошли.  
4. Осуществить выбор страховой медицинской организации по новому месту жительства в течение одного месяца в случае изменения места жительства и отсутствия страховой медицинской организации,

в которой ранее был застрахован гражданин.  
Полис ОМС действует на всей территории Российской Федерации.  
При возникновении вопросов в сфере обязательного медицинского страхования, вы можете обратиться в Дагогнинский филиал ТФОМС РД, который расположен по адресу: г. Дагестанские Огни, ул. Революции 52 «в»  
тел.: 8(87275) 5-31-50  
e-mail: ogni-fil@fomsrd.ru  
В будние дни с 9 ч. 00 мин. до 18 ч. 00 мин.  
**Директор Дагогнинского филиала ТФОМС РД Сулейманов Р.С.**

(Ответы на сканв № 32).  
УДАЧА О Ф Ш О Р  
Ч И К А Г О И Е  
Р Ж С А П О Г  
А Р А Р А Т К Б  
С Т И Ф Ф А Н И  
К А Н И С Т Р А А  
О О К Л А В И Ш И  
П Ё Р О К О Н  
П А Н Р О С Т  
Е Д У Н Б Р  
Р Ч Р Е Н О  
Ф И Л О С О Ф Л О В  
И Е Т Т Р И К Е  
Л Я С С Е О С И Р  
Д А П Е Р Е К А Т

Учредитель:  
Администрация МР «Табасаранский район».

Главный редактор  
И.М. Яралиев.  
Табасаранский язык.

Позиция редакции может не совпадать с точкой зрения авторов, которые несут ответственность за достоверность и объективность представленных для публикации материалов. Рукописи не рецензируются и не возвращаются.

Газета зарегистрирована Управлением Федеральной службы по надзору в сфере связи и массовых коммуникаций по РД от 12.12.2008 г  
Регистрационный номер: ПИ № ФС 05-0013.  
Цена - 8 руб.

ИНДЕКС-51375.  
Адрес редакции и издателя: 368650, РД, Табасаранский район, с. Хучни, «Редакция газеты «Табасарандин сес» («Голос Табасарана»)  
Срок подписания в печать по графику - 17.00  
Подписано в печать - 17.00

Телефон:  
Главного редактора - 8-967-390-76-85.  
Адрес электронной почты: golostab@mail.ru

Газета набрана и сверстана на базе компьютерной техники МБУ «Редакция газеты «Табасарандин сес» и отпечатана в ООО «Типография -М» 368600, г. Дербент, ул. С. Курбанова, 25.  
По всем вопросам качества печати обращаться в типографию  
Тираж 2145  
Заказ №